

Тиловат саждасининг фазли | Ҳадис дарслари (360-дарс)



Ҳадис
ДАРСЛАРИ

360-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.

19:00 / 31.12.2025 557

Бу дарсимизда Қуръони Каримдаги сажда оятлари тиловат қилинганда сажда қилиш, унинг фазли, ҳукмлари ва бошқа шунга оид масалалар баёни келган ҳадиси шарифлар ўрганилади.

Одатга кўра аввал ушбу масала ҳақидаги ояти карима келтирилмоқда:

إِذَا الَّذِينَ بَيَّأْتِنَا يُؤْمِنُ إِنَّمَا: ?????? ?????? ?????? ?????? ??????

يَسْتَكْبِرُونَ لَا وَهُمْ رَبِّهِمْ بِحَمْدِ وَسَبْحِهَا سَجْدًا خَرُّوا بِهَا ذُكِّرُوا ﴿١٥﴾

Аллоҳ жалла шаънуҳу:

«Албатта, Бизнинг оятларимизга қачон улар билан эслатилсалар, кибр-ҳаво қилмаган ҳолларида саждага йиқиладиганлар ва Роббиларига тасбеҳ ила ҳамд айтадиганларгина иймон келтирурлар», деган (Сажда сураси, 15-оят).

Ушбу оятда сажда оятларини эшитиш билан кибр қилмасдан, саждага йиқилиб, Аллоҳга тасбеҳ ва ҳамд айтадиганлар ҳақиқий мўминлар, деб васф қилинмоқда. Шу оятга биноан, сажда оятларига амал қилиб, улар тиловат қилинганда саждага йиқилиш шариатга киритилган.

???? ????? ????????????? ?????? ?????? ????????? ? ???? ?

????????????? ??????? ?????? ????????????? ?????????????? ??????:

????? ??????? ?????? ?????? ?????????????????? ???????????

????????????? ?????????????????? ?????????? ?????????? ???

?????????????. ?????? ??????????????: ??? ??????????! ???????

?????? ?????? ?????????????????? ??????????? ????????

????????????????? ?????????????????? ?????????????????? ??????????????????

????????? ??????????????. ?????????? ?????????????.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Одам боласи сажда оятини қироат қилиб, сажда қилса, шайтон четга чиқиб, йиғлайди: «Вой, шўрим қурсин», дейди» дедилар».

Бошқа бир ривоятда:

«Вой, шўрим! Одам боласи саждага амр қилинди ва сажда қилди. Энди унга жаннат берилур. Мен саждага амр қилидим ва бош тортдим. Менга дўзах берилур», дейди», дейилган.

Муслим ривоят қилган.

Шарҳ: Шайтоннинг бадбахт бўлиб, Аллоҳ таолонинг лаънатига учрашининг асосий сабаби – Аллоҳ таолонинг амрига бўйсуниб, сажда қилмаганлигидир.

Одам боласининг бахт-саодати эса Аллоҳ таолонинг амрига бўйсуниб, сажда қилишидадир. Ана шу саждалар ичида тиловат саждаси ҳам бор. Чунки ҳар бир тиловат саждасида Аллоҳ таолога сажда қилиш ҳақидаги амрга бўйсуниб бор.

Ушбу ҳадиси шарифда баён қилинишича, мусулмон инсон қачон тиловат саждасини қилса, Шайтони лаъиннинг дарди янгилашиб, ҳасади қўзиб, четга чиқиб йиғлар экан. У одам боласининг Аллоҳ таолонинг амрига бўйсуниб, сажда қилиб, жаннатга ноил бўлишидан афсус қилиб, ҳасаддан куйиб, ёнар, ўзининг саждага бормаганлиги учун дўзахга тушишига афсус-надомат чекар экан.

Демак, инсон боласи бахт-саодатининг асосий манбаи – унинг ўз Роббига қилган саждаси экан.

Шайтон Аллоҳнинг борлигини инкор қилмайди, аммо Аллоҳнинг сажда қилиш ҳақидаги амрини қилмаганлиги учун лаънатга учраган, дўзахи бўлган.

Энди «Мен ҳам Аллоҳга ишонаман», деб, унга сажда қилмай юрган одам болаларининг шайтондан нима фарқи борлигини ўйлаб кўрайлик.

Эҳтимол, улар шайтондан ҳам баттардирлар? Чунки Аллоҳ шайтонни саждадан бош тортиши билан дарҳол лаънатлаб, даргоҳидан қувган. Одам боласидан бўлган шайтонлар эса ўзлари учун берилган фурсатдан ҳам фойдаланмай юравердилар.

Ушбу ҳадисдан олинадиган фойдалар:

1. Сажда оятини тиловат қилганда сажда қилиш кераклиги.
2. Одам боласи тиловат саждасини қилганда шайтон четга чиқиб, надомат чекиши.

3. Тиловат саждасининг фазли.
4. Сажда жаннатга киришнинг омили эканлиги.
5. Саждадан бош тортиш дўзахга киришнинг омили эканлиги.

«Ҳадис ва ҳаёт» китобининг 5-жузи

Ўзбекистон Республикаси Дин ишлари бўйича қўмитанинг 2024 йил 23 январдаги 03-07/362-рақамли хулосаси асосида тайёрланди.